

NOS MORTS

† Vigeli Monn, Bugnei (1895–1972)

Gl'atun vargau ha la mort fatg reha raccolta en la Val Tujetsch. Sco 8avel ha nies preziau convischin, Vigeli Monn da Bugnei, sco el vegneva numnaus, priu comiau da nus per adina ils 3 da decembre 1972. Igl ei dign e dueivei da seregurdar dad el era en quest liug.

Il Vigeli ei naschiuss il 9 da matg 1895. Cun aunc 4 soras ha el passentia sia affonza. Da lezzas uras haveva ei num vus trer si ina gronda famiglia. Subvenziuns e susteniments da tuttas varts fuvan lura buca enconuschents. Pertscharts dalla situaziun finanziala, ei siu bab sedecidius dad ir ell'America entgins onns per gudignar il paun da mintgadi per sia consorta e ses affons pigns a casa. La finala ha el giu ina tragica fin: El ei sedisgraziaus mortalmein enten derscher in chischner ora giu Nislas — ina lavur maluardada che ha custau la veta aunc a plirs. Ina crusch dador Bugnei recorda aunc oz da quei trest schabegts. — Aschia ha nies Vigeli stiuu sentir la direzia dalla veta gia en giuvens onns. Cun curascha e perseveronza ha el denton cul temps surpriu il guvernagl da siu bab, malgrad il temps da crisa dils anno 30. Il far il pur fuva sia principala occupaziun. Accessoricamein s'occupava el sco mazler da casa. El ei era staus gl'emprem ustier si Milez, gl'enconuschent liug da skis dad oz, ed ei perquei in pionier dalla historia turistica da Tujetsch. Cun la finala far il vitturin ha el anflau sia ventira. Quei ha dau caschun ad el da meinsvart serender a Segnas. Per ordinari daventava quei da notg. Per buca disturbbar ils vischins da quei vitg, schava el ruassar e spitgar siu cavagl giu Buretsch —

enqualga ualtri ditg — entochen ch'el visitava sia spusa, Benedicta Decurtins. Igl ei denton buca iu ditg, ch'ei ha dau nozzas il matg 1930. Ils spus ein secasai a Sedrun. Lur lètg ei stada benedida da 4 affons ch'ein oz spatitschai per gl'entir mund entuorn entochen en Canada ed ella Alasca. Malgrad las distanzas han quels denton buca tralaschau da dar suatienschal al giavisch da lur geniturs cun visitar els aunc avon paucs onris.

In temps suenter la maridaglia ha la giuvna famiglia priu dimora a Bugnei en casa digl aug Tumaisch Curschellas p.m. S'avanzond la vegliadetgna, ein il Vigeli e la Benedicta returnai a Sedrun en casa nova da lur feglia, nua ch'els han anflau aunc meglier contact. Il Vigeli apprezzava grondamein ina buna cumpignia. El fuva in stimau e beinvesiu amitg e camerat. Tier tut sia lavur ha el priu temps e peda da separticipar da differentas uniuns. Principalmein la musica ed il cant fuvan siu deletg. El ciòr-baselgia ha el cantau entochen la mort. Perquei han ses camerats cantau ina messa ed ina canzun a caschun da sia sepultura. Nus essan perschuadi che la verdad dalla davosa strofa ei ida en vigur tier il car defunct:

Ussa ei Ti'olma viagiada
Ensi tier Diu, il bab etern
E leu perpetnamein beada
Cont'ell'in himni sempitern.
Stai bein, amitg, stai bein,
Speronz'in di nus sevesein!
Alla consorta ed affons nossia cordiala condollientscha!

In amitg